

## Engaschi per il gaud da muntogna grischun – la BCG porscha 60 jobs da stad per giuvenils

Cuira, ils 7 d'avrigl 2015 – La purschida da jobs da stad raschunaivels e pajads per giuvenils è stgarsa. La Banca Chantunala Grischuna (BCG) ed il Project en favur dal gaud da muntogna porschan questa pussaivladad e realiseschan durant las vacanzas da stad danovamain emnas da project en quatter differents lieus dal Grischun. 60 giuvenils en la vegliadetgna da quindesch fin deschnov onns pon prestar in'emna lavur en il gaud grischun e gudagnar 500 francs.

Il Project en favur dal gaud da muntogna da la BCG ha sveglià l'onn passà grond interess. Per ils 60 plazs hai dà passa 200 annunzias. La stad 2015 ha il project lieu per la terza giada, questa giada a Cuira, Cazas, Laax e Claustra. Durant in'emna pon ils giuvenils che participeschan al project gidar a mantegnair activamain, ensemen cun ils selviculturs dal Project en favur dal gaud da muntogna, la funcziun da protecziun multifara dal gaud da muntogna. Els pon tranter auter far plantaziuns, saivs cunter rusignadas da selvaschina e construir sendas per far controllas. Per lur engaschi dad in'emna survegnan las giuvnas lavurantas ed ils giuvenils lavurants ina paja da 500 francs.

Cun quest engaschi gida la Banca Chantunala Grischuna a tgirar il gaud da muntogna sco refugi e spazi da viver indispensabel. La Fundaziun Project en favur dal gaud da muntogna cun sedia a Trin è ina partenaria ideala, cunquai che sia idea va bain a prà cun la politica da persistenza da la BCG. A medem temp pussibilitescha la BCG cun ils jobs da stad als giuvenils da far in'emna da project raschunaivla e pajada durant lur vacanzas.

Giuvenils motivads en la vegliadetgna da quindesch fin deschnov onns che lavuran gugent en il team, che vulan s'engaschar en favur dal gaud da muntogna grischun ed emprender dapli davart quel, pon s'annunziar enfin la fin d'avrigl sut [www.gkb.ch/sommerjobs](http://www.gkb.ch/sommerjobs).

### A Vossas dumondas respunda gugent:

[alexander.villiger@gkb.ch](mailto:alexander.villiger@gkb.ch), Manader persunal | +41 81 256 99 84

### Il sector Marketing & communicaziun As gida gugent a cuntanscher il pli svelt pussaivel Vossa persuna da contact:

As drizzai a [thom.mueller@gkb.ch](mailto:thom.mueller@gkb.ch) | +41 81 256 83 11.

#### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. La banca occupa l'070 collavuraturas e collavuratur (stadi dals 31-12-2014). En il chantun Grischun cun sias numerusas vals e pliras linguas, è l'interpresa represchentada cun 63 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il quint annual preschenta ella cun ina summa da bilantscha da CHF 20,591 milliardas in gudogn brut consolidà da CHF 207,3 milliuns. Il scrit da participaziun BCG è quotà a la bursa dapi ils 10 da settember 1985.

#### Termins

Rendaquint semestril 2015:	31 da fanadur 2015
Radunanza dals participants:	19 da mars 2016